

Sarkina Bt Mat Saad @ Shaari

From: UUM CORPORATE COMM.
Sent: Monday, February 24, 2020 8:42 AM
To: UUM - All Staff; UUM - All Students
Subject: Gotong-Royong Indahkan Surau Batu Sungai



UUM Corporate Comm.
Universiti Utara Malaysia

24 FEBRUARI 2020 / 30 JAMADILAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Chance Club dan Mohd. Raime Ramlan

GOTONG-ROYONG INDAHKAN SURAU BATU SUNGAI



UUM ONLINE: Gotong-royong mengindahkan Surau Batu Sungai, Bukit Kachi bukan sahaja menyemai perasaan cintakan alam semula jadi, malah memupuk semangat berpasukan, luhur budi dan sabar.

Ahli Jawatankuasa Biro Sukan dan Rekreasi, Chance Club, Adilah Ishak berkata, kunjungan ahli kelab ke Surau Batu Sungai Bukit Kachi tidak pernah menjemukan kerana keunikan surau tersebut diperbuat daripada batu-batu sungai yang disusun rapi, kemas, menarik dan menjadikannya kelihatan unik.

Menurutnya, persekitaran surau ini juga menghidangkan panorama indah flora dan fauna serta air sungai yang jernih dan tenang mengalir di celahan batu sungai yang sesuai untuk diadakan aktiviti riadah sambil menikmati udara segar dan nyaman.

“Aktiviti gotong-royong ini melibatkan semua ahli yang bersama-sama mengangkut batu dari dalam sungai dengan menghulurkan batu antara satu sama lain untuk pembinaan tempat rehat di tebing sungai dan ruang makan untuk kegunaan orang ramai.

“Memang seronok berkelah beramai-ramai di tepi sungai ini dengan air yang mengalir bersih, sejuk dan nyaman,” katanya pada program amal anjuran Kelab Canselor atau Chance Club, baru-baru ini.

Selain Chance Club terdapat beberapa jabatan lain yang turut sama berganding bahu mengangkat batu sungai sekali gus memeriahkan lagi suasana.

Sementara itu, peserta, Farah Wahidah Mahmood menyifatkan program ini membuka mata masyarakat tentang Universiti di Rimba Hijau dan persekitarannya yang penuh dengan pelbagai khazanah berharga.

“Inilah kali pertama saya melihat surau yang sungguh unik di dalam hutan belantara sehingga menggigit tumpuan orang ramai. Suasana di dalamnya sejuk dan mendamaikan sesiapa sahaja yang berkunjung ke sini,” katanya.

Ujarnya, acara santai ini berjaya mencapai matlamat untuk mengeratkan silaturahim sesama warga kampus di samping mempromosikan gaya hidup sihat.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.